

四庫全書

史部

欽定四庫全書

史部  
浙江通志卷十一

詳校官給事中<sub>臣</sub>戴璐

檢討<sub>臣</sub>德生覆勘

總校官編修<sub>臣</sub>倉聖脉

校對官中書<sub>臣</sub>陳木

謄錄監生<sub>臣</sub>陳昌敬

欽定四庫全書

浙江通志卷十

山川

杭州府

下

海寧縣

花山 嘉靖海寧縣志在縣治東五十里高十五丈

周回一里

菩提山 名勝志在縣東六十里晉干寶捨宅為菩

提寺故名

黃山 萬歷杭州府志在縣治東五十二里高六十六丈周回七里有靈泉井

錢山 名勝志去菩提山東里許

蜀山 咸淳臨安志在縣西南二十七里隋書地里志餘杭郡鹽官縣有蜀山

管山 成化杭州府志在縣東六十里高四丈周回半里

箬帽山 成化杭州府志在縣東六十里高五丈周

回半里

白鶴山 成化杭州府志在縣東六十里高十二丈  
周回二里近烏龍井

葛嶺山 成化杭州府志在縣東六十里高四十丈  
周回四里

黃灣山 萬歷杭州府志在青陽山西一里高八十  
九丈周回九里

赭山 成化杭州府志在縣西南四十五里高七十丈周三里二百步其山西南仁和縣界與紹興龕山相對是為海門

袁花山 咸淳臨安志在縣東六十里嘉靖海寧縣志即妙果之尾因鑿斷名曰龍尾

妙果山 萬歷杭州府志在縣治東六十里高二十丈周回七里

贊山 萬歷杭州府志在縣治東北六十里高五丈

周回二里深潭與渫俗稱錢王磨劍之池

紫微山

咸淳臨安志在縣東北六十里

峽川志西

微山石刻紫微山三字宋右班殿直監澈浦稅樊世卿書成化杭州府志硤石山即紫微山也兩山相峙中通河流因名硤石山上萬歷杭州府志山有寺山脚連東峯有磨劍池

高三十丈周回一里唐中書舍人白居易登此山

望硤石湖中書本紫微省因名

章孝標題紫微山上方詩地勢連滄

海山名號紫微景閑僧坐久路僻客來稀峽影雲相照河流石自圍聲喧都不到安得此忘歸貝瓊游紫微山詩金利藤蘿外通人一徑微天風鐵鳳語海雨墨龍飛水落仙翁井雲披玉女衣東樓曾

玩月夜挾彩鸞歸高啓過硤石詩青山夾長溪溪上有漁市杜門閑落日野氣白於水虎行車跡外鳥起鐘聲裏吳語問居人到州還幾里

沈山

一名審山

咸淳臨安志在縣東北六十里高五十

三丈周七里二百步至元嘉禾志舊經云宋臨海南陽二郡太守沈景葬於此因名唐屬蘇州海鹽

縣昭宗大順中割歸杭州今沈山即鹽官縣硤石

鎮之東山

峽川志東山一名審山高一百五十丈杭郡志謂漢辟陽侯審食其葬此海鹽

志謂上有宋臨海南陽二郡太守沈景墓故名俗誤沈為審也張憬登審山詩東山危磴杖藜行霜



落天高秋氣清風度曙鐘諸刹近雲開旭日兩峯  
晴葛洪井上烟霞古顏況臺前草樹平登眺不須  
傷往事故鄉回首獨含情

尖山 成化杭州府志在縣治東六十里高九十九  
丈周回一十里瀕海

青陽山 成化杭州府志在縣治東六十五里高十  
九丈周回三里

金牛山 咸淳臨安志在縣治東高三百丈周回十  
九里山側有洞深不可測宋建炎初居民避難多

藏此太平寰宇記昔吳越間有金牛自毘陵奔此而沒因名

談家山 成化杭州府志在縣治東南七十里高二丈周回三里

烏龍山 萬歷杭州府志去談家山東二里高六十六丈周回二里壁立昂起若翺若翔上有烏龍井大旱不竭祈禱輒應宋有勅賜烏龍廟

石棋山 萬歷杭州府志在縣治東北六十五里高

四十五丈周回四里

葛嶼山 萬厯杭州府志在縣西南四十三里高六丈周回三里

盤山 萬厯杭州府志在葛嶼南八里高七丈周回二里

禪機山 成化杭州府志去縣西南四十五里高五丈周回五里

文堂山 成化杭州府志去縣西南四十五里周半

里

雷山 萬歷杭州府志在縣治西南四十三里高七丈周回一里奔潮盪激漸徙入海山形圓小翠鬱可嘉

巖門山 萬歷杭州府志在縣治西南四十七里高九十九丈周回五里穹窿峭拔號為主山

望夫山 嘉靖海寧縣志高七十五丈東抵海鹽縣界周回四里其山即廟山脚在海門

廟山 嘉靖海寧縣志在縣東南六十八里東至海  
鹽縣界上有臯蘇二將軍廟宋勅寧祐

茗山 名勝志在縣西北四十里高十丈周回二里  
六十步

赤土嶺 成化杭州府志在縣東六十里長一里二  
百步東南接靈泉井西連黃山脚

紫微山洞 杭州府志在紫微山後深一丈一尺闊  
四尺馬自然煉丹之所世稱為神仙洞

硤石湖 硤川志亦稱硤川在縣東北六十里廣三

十二丈成化杭州府志其源自茶湖南通麻湓港  
迤西南流入於洛塘河東達海鹽縣界黃道湖

建興湖 成化杭州府志在縣西北二十五里東西  
十里南北六里深五尺吳建興中開因名

高湖 海寧縣志在縣東北十七里東西二十八里  
南北一里三步

放生池 杭州府志在縣北一里舊在延恩院東南

二百五步宋慶元四年令施枱改鑿於此

白洋池 萬厯杭州府志在縣西北二十五里周回五十五丈八尺發源新邱塘

靈池 萬厯杭州府志在硤石鎮審山上水旱不盈涸

烏龍井 萬厯杭州府志在縣東七十里濶四尺深四尺冬夏不竭宋邑令胡堅常恕元州判申繼賢皆以旱禱獲雨

石井 海寧縣志在縣西北十二里

徐寬石井記馬自然奇跡不一

今故宅莽為荒墟遺井尚在

黃灣浦 海寧縣志在縣東六十里

百尺浦 名勝志在縣西四十里輿地志云昔越王起百尺樓望海因名

海 成化杭州府志在縣治南十里西接浙江潮汐

往來坍漲不一

今在縣治南半里

富陽縣



觀山 太平寰宇記一名石頭山山有觀濤所咸淳

臨安志在縣治東百餘步一峯高聳橫截大江孫氏嘗於山頂建道觀因名又號石頭山縣東以水口蕩滉無際此山為青龍襟抱環合邑賴以立

赤松山 咸淳臨安志在縣東九里高一百五十丈

周回四十里一百步形孤圓望之如華蓋又名華

蓋山一名赤亭山

太平寰宇記赤亭山嚴陵釣於此有臺基存謝靈運詩云定山

緬雲霧赤

一名雞籠山

隋書地理志餘杭郡富陽縣有雞籠山

晏公

類要赤松子駕鶴時停此山

吳鼻山 咸淳臨安志在縣東五里山峭峻下瞰大江路狹而險乾道中邑令陸楠鑿路欄石以護往來者人以為便寶慶乙酉令趙汝捍易為石壁

姚岑山 咸化杭州府志在縣北二十五里山腹有水沼赤萍生其中山下有廟俗號為姚岑王禱雨必應

靈巖山 咸淳臨安志一名湖南山在縣南三十里

山下有仁惠龍王廟先有僧曇超居杭之靈苑山  
有龍化為老人詣曇超曰鄉民耕山逼我居室羣  
龍怒閉膏雨以害稼吾不忍民之苦聞師道行必  
能化伏諸龍師允其請至觀山結壇戒衆浮舟誦  
經雨大霑足羣龍復請師居湖南靈巖山峻不能  
陟龍化白馬載師以登至今石上馬跡尚存巖下  
有池歲旱禱之則雨賜號靈悟大師而龍以仁惠  
為額

貝山 咸淳臨安志在惠愛村去縣西三十里西屬  
新城界山頂有湖

紫微山 萬歷杭州府志在縣西五十里其山崛起  
東浸大江

陽平山

一名陽城山

萬歷杭州府志在縣南十五里後

漢孫鍾種瓜其上有異兆鍾卒子堅因葬鍾於  
此常有紫雲蔓延數十里太平御覽董監吳地記  
富春有陽城山孫氏所葬漢末上有光如雲氣屬

天

亭山 咸淳臨安志在縣南十八里高二百餘丈廣一百五十里晉處士孫文度建亭於此因名

小隱山 成化杭州府志在縣北一里三十步為縣治主山宋陽夏公謝絳遷居於此

樟巖山 咸淳臨安志在縣北五里高出衆峰巖有

大樟故名又曰橫山世傳赤松子煉丹之所

申屠霆樟

巖山詩忙底抽身向此遊古樟深徑鎖清幽芝田曉澗潮痕入藥洞春香雨氣浮山揭翠屏舒道眼

水鏘瑤瑟應龍湫何時卜宅  
棲巖下分取青山老一邱

白龍山 名勝志在縣北二十里山勢如屏

西巖山 咸淳臨安志在縣北三十里巖下有洞洞  
口有沼與江潮相應石上有葛仙翁足跡煉丹鼎  
山下有石扣之鏘然人號石鼓

靈峰山 萬歷杭州府志在縣東南四十里高出衆  
峰絕頂平行有田數畝源泉不竭世傳有宣氏兄  
弟三人耕山得泗州石佛結菴以奉至今尚存歲

早禱雨即應因號靈峰

楊維禎秋日遊靈峰山詩  
雲峰何在魏絕頂有故剎

我來試登高石路陰且滑時維八月秋西風轉蕭  
颯溪深水迂迴雲淨竹周匝行行過短橋峭壁直  
如削况乃鳥道微孤猿度猶狹枯松枝新摧亂石  
勢將塌古碑已無字空遺綠苔壓對此神氣清力  
行不知乏中有瀑布泉兩山競相夾樵子日負薪  
野人時採藥路逢麻姑仙餽我飯一勺遙聞鐘磬  
聲深林起鏜鏜老僧習禪定口念摩訶薩日暮肯  
留予為下陳蕃榻烹茶飯疏食喜遂浮生樂夜深  
月色寒露逼征衣薄起來振長嘯聞然天籟發明  
朝輒下山芒鞋著雙脚何當駕青鸞乘風入寥廓

鹿山 咸淳臨安志在縣西南五里其狀如鹿因名

世傳有羣龍居之興水旱以為民患因靈悟大師

卷十  
講經其惠乃息俗謂之降龍山

湖狀山 元和郡縣志在縣西南五十里甚幽邃險  
遠咸淳臨安志高三百丈廣一百三十五里上有  
石樓石城侯景之亂里人姓陸者率鄉隣保固之  
全活萬計

錦明山 成化杭州府志在縣西南五十里善政村  
高二十餘丈周回二里其山抵錦溪溪水搖光滉  
漾石壁如錦繡文因名



屠山 咸淳臨安志在縣西南五十餘里高三百丈

陳剛中屠山記屠山之勝峰巒重疊端若拱揖應接不暇湍水怪石神刻鬼劃千巧萬狀中有平田如設萬席此申屠剛達新室之禍申屠蟠晦黨錮之名避地結廬於今千載子孫家焉

泉山 富陽縣志在縣東南二十里江陰村山觔一

石嵯峨如角下有泉源

篠嶺 萬歷杭州府志在白昇村去縣二十五里通

餘杭縣

草鞋嶺 杭州府志在惠愛村去縣三十里通新城

縣

漁嶺

萬厯杭州府志在靈峰去縣四十里界蕭山

縣

鵲嶺

萬厯杭州府志在大源去縣四十里通諸暨

縣

青草嶺

萬厯杭州府志在善政村去縣五十里通

桐廬縣

金沙嶺

杭州府志在棲鶴村去縣九十里通浦江

縣

黃花洞 貝瓊鶴山親舍詩序棲鶴村地有黃花洞

世傳黃石公所居有石牀尚在每風雨輒聞兵甲聲

富春江 萬歷杭州府志自桐廬經富春入錢塘昔

桑欽水經謂浙江之源西自嚴灘東通海道

謝靈運富

春渚詩宵濟漁浦潭旦及富春郭定山緬雲霧赤  
亭無淹泊遡流觸驚急臨圻阻參錯亮乏伯昏力  
險過呂梁壑游止宜便習兼山貴止托平生協幽  
期淪躋固微弱久露干祿請始果遠游諾宿心漸

申寫萬事但零落懷抱既昭曠外物徒龍蜺喻坦  
之晚泊富春寄友人詩江鍾寒夕微江鳥望巢飛  
木落山城出潮生海棹歸獨吟霜島月誰寄雪天  
衣此別三千里關西信更稀楊維禎富春夜泊寄  
張伯雨詩春江大汎潮水長布帆一日上桐廬客  
星門巷赤松底野市江郊淨雪初柱宿雞籠山頂  
鶴斗量黃網壩頭魚來青小閣在林表故人張燈  
修夜書龔鼎彝富春渚和謝靈運韻詩檣鳥正輕  
颺漸指桐君郭夕暉澹杉崖歸烟散蘭薄觸石鮮  
幽阻挂席快交錯宜期途百折坦然雲一壑當時  
棲隱人采山諧雅託緬邈景喬柯中奮萬蘿弱理  
釣漸遲暮脫屣踐宿諾風塵有磷緇寸心詎搖落  
將偕海上鷗  
永固泥中蟻

陽陂湖 唐書地理志富陽北十四里貞觀十二年

令郝硤開萬歷杭州府志在臨湖村周回十六里

詳見水利

湧泉湖 萬歷杭州府志在惠愛橋闊二十丈長四

百丈

詳見水利

小謝湖 杭州府志在縣南二十里大江之陰

詳見水利

錦溪 萬歷杭州府志在縣南五十里舊名善政溪

其水澄深滉漾遇風清月明波紋若錦故名

詳見水利

苕浦 唐書地理志富陽南七十步有隄登封元年

令李濬時築東自海西至於覓浦以捍水患咸淳  
臨安志在縣西一里闊六十步東入浙江一名關  
浦

蛇浦 成化杭州府志在普惠寺前有溪入江相傳  
有巨蛇由此起出其地遂曲為浦

龜川 萬歷杭州府志在縣東觀山前

水經注劉敬叔異苑曰孫

權時永康縣有人入山過一大龜即束之以歸龜  
便言曰游不量時為君所得擔者怪載出欲上吳  
王夜宿越里纜船於大桑樹宵中樹忽呼龜曰元  
緒奚事爾也龜曰行不擇日今方見烹雖盡南山

之樵不能漬我樹曰諸葛元遜識性淵長必致相  
困今求如我之徒計將安泊龜曰子明無多辭既  
至建業權將煮之燒柴萬車龜猶如故諸葛恪曰  
然以老桑乃熟權使伐桑取煮之即爛其水飛湍  
北注至縣南  
門入穀水

孫洲 萬厯杭州府志在縣西南四十二里周二十  
三里太平寰宇記吳錄云浙江經富陽中有沙漲  
吳烈帝為郡吏趨府鄉人餞之沙上父老曰此沙  
狹而長君當作長沙太守後果如其言遂名孫洲  
桐洲 富陽縣志在縣西南五十里有石瀨世傳為

子陵垂釣處

放生池 萬厯杭州府志舊在縣東丹霞觀宋紹興二十年令孫徹建

餘杭縣

安樂山 名勝志在城東三里錢氏之子抱病來居既愈乃有此名

長嶺山 萬厯杭州府志在縣南二十二里高一百五十五丈周回九里其山有嶺崎嶇綿邈故名



由拳山 咸淳臨安志在縣西南三十六里高一百八十丈周回一十五里按搜神記由拳即嘉興縣名吳大帝時郭暨猷自由拳來隱居於此郡國志餘杭有山一名由拳旁有由拳村晉書郭文隱此又名郭公山

仇山 咸淳臨安志在縣北十五里高三十五丈周回五里舊有仇王廟因名又謂之白鹿山耆老云宋晉陽太守嚴昆葬此有白鹿遶墓刺史孔嚴以

為異表聞於朝因以名山

大滌山 萬歷杭州府志在縣西南十八里高六百九十餘丈周回五十里其山居洞霄宮之左穹窿

峻絕迴壓羣巒中有許邁丹竈遺趾或言此山清

淨大可洗滌塵心故名

張雨大滌山詩北峯屹立浩無前信是人間別有天

銅柱何煩天北際蓬山寧在海東邊采樵巨箬多無骨搗藥靈禽或是仙老我不能為狡獪峰頭看

月幾回圓

謹按晉書郭文傳文辭家游名山步擔入吳興餘杭大辟山中窮谷無入之地則大滌舊名大辟唐

以後乃易為大滌羅隱  
詩云蒼蒼大滌山是也

天柱山 大滌洞天記在洞霄宮西南凡三峰與大  
滌對峙高足相敵由宮外望之屹然若柱又絕頂  
有石柱高丈餘圍兩合抱此山所以名者蓋五十  
七福地地仙王伯元主之按傳記所載天有八柱  
其三在中國一在舒州一在壽陽洎今在餘杭者  
是已洞霄以為主山故古名天柱觀

吳昌裔天柱  
山詩柱天屹

葉斷鰲足卧草蒙茸伏虎痕想見  
山中明月夜有人長嘯抱崑崙

九鎖山 大滌洞天記自餘杭西郭外行十有八里

逆溪水上左右合七峰皆拔地數百尺其趾犬牙

相錯行路並溪屈折者九故云九鎖好事者悉命

以名一曰天關二曰藏雲三曰飛鸞四曰凌虛五

曰通真六曰龍吟七曰洞微八曰雲璈九曰朝元

徐凝九鎖山詩人行之字路巖巖九鎖縈迂勝九

疑祇被白雲生不斷無端點破碧琉璃關關九鎖

山詩山下寒流咽細泉曉林浮日自生烟九峯密

鎖疑無路五洞潛通別有天羽客依山多得道昔

人涉海漫求仙我來要學棲真事願借孤雲一榻

眠張鑑游九鎖山詩九鎖非凡境烟雲路不分山

寒常帶雨洞古不收雲夜宿聽林鶴晨  
炊摘野芹黃冠皆好事添炷石爐熏

青檀山 大滌洞天記在洞霄宮東南天柱右偏其  
勢不甚高而泉石奇秀為諸山甲

白鹿山 大滌洞天記在大滌山即今中峰是也因  
許真君上昇於此天降白鹿下迎故名

稽亭山 咸淳臨安志在縣南九里高五十丈周回  
九里相傳秦皇東遊至此登望會稽故名

青障山 咸淳臨安志在縣南三十里高二百五十

丈周回三十里四面林木鬱茂青若屏障

鳳凰山 成化杭州府志在縣東南五里高三十丈

周二里形似鳳故名

崖山 萬厯杭州府志在縣東北四十里高三十六

丈周回十二里

響山 萬厯杭州府志在縣西北八里呼則傳聲因

以為名

觀國山 成化杭州府志在縣西北一十五里相傳

宋南渡時烏珠兵迫於此有盛姓者率鄉兵拒之  
三日不得進後官盛為保義郎封觀國山神為沂  
泊侯立廟祀之

舟航山 成化杭州府志在縣西北二十五里高一  
百七十餘丈周回一十里故老云禹治水維舟此山  
東坡詩看山識禹功蓋謂是也

將軍山 萬歷杭州府志在縣西北四十里廣千餘  
畝

齊亨山 成化杭州府志在縣西北高一千餘丈周  
回十五里上接徑山其山有天井龍王潭高崖之  
上瀑布數十丈下瀉於潭潭之東有一石號龍舌  
昔人擲之潭詰旦其石復出於岸歲旱禱於祠必  
應山下有斜坑本名斜坑後轉呼為齊亨山

徑山 萬厯杭州府志在縣西北五十里高三千餘  
丈周回五十里乃天目山之東北峰有徑通天目  
故名東西二徑盤旋紆委飛磴而上各高十里七



峰羅列內括一區平林坦壑靈蹤異跡不可勝紀  
其左曰宴坐峰朝陽峰北曰天顯峰其前曰堆珠  
峰右偏曰鵬搏峰凌霄峰御愛峰山有十一景

互見

臨安縣

高陸山

咸淳臨安志在縣西北七十里高三百丈

周回五十里舊有高陸二氏居山之側併以為名

金鵝山

杭州府志郡國志云山鳴則出貴人山之

旁支小隴直抵錢塘與龍門相接古稱龍飛鳳舞

此其地也

南湖山 成化杭州府志在縣南五里

黃山 成化杭州府志在縣東北三十餘里山前界  
唐柳公權書黃山二大字刻石什久里人盛仁重  
立

來賢巖 大滌洞天記在洞霄宮東南青檀山前嵌  
空數丈盤石叢竹可以游息熙寧間東坡為杭通  
守同蔡準吳天常樂富國聞人安道俞康直張日

華幅巾藜杖盤桓於此後人號曰來賢

吳昌裔來賢巖詩杖

挂松花酒一瓢手接柏子雜香燒山空露冷吟招隱掉首諸賢不受招

仙跡巖 大滌洞天記去洞霄宮一里在崖石之上

按記云秦始皇欲塞東海役鬼移之山勢欲動忽

有神人叱鬼以身扼崖今崖上有肩帔簪冠之跡

隱然潤澤不生苔蘚

楊傑仙跡巖詩祖龍求仙徒用力駕海欲驅山下石神人

倚柱不與行留得巖前隱仙跡鄧牧仙跡巖詩至人猶神龍變化不可測隆然七尺軀印此一片石

我行半江海  
空飛杳無跡

伏虎巖 大滌洞天記在洞霄宮山西南峻壁間若  
環堵之室南有路自上而下復陟崖磴方至其所  
藤蘿深密怪禽晝啼非有道之士不可處也昔郭

真君伏虎於此

吳筠游伏虎巖詩郭生在童穉已得方外心絕跡遺世務棲真入長

林元和感異類猛獸懷德音不憶固無情斯言微且深

棲真洞 名勝志在大滌山前一名西洞舊志大滌

先生杜瑑語弟子何法仁曰汝宜居西洞可以成  
真故名此洞天生愚頂狀如寶蓋龕室幽深乳泉

滴瀝

胡僑按真洞詩實蓋擎空雨不知乳泉滴滴是靈芝一秤黑白嵐陰重誰見仙人落子時

石室洞

大滌洞天記一名藏書洞在大滌中峰之

前洞中三巖若品字石梁橫界泉脉涓涓注石梁

下相傳郭真君洗藥泉

葉林石室洞詩石徑春深疊古苔洞天無鑰為誰開

白雲本是無心物  
又趁松花作雨來

鳴鳳洞

大滌洞天記在洞霄宮外一里道旁山上

石門阻隘有童穉曾入云其間廣埒兩屋旁一小  
路不知所極上有穴泉流為丁當音下入方池未

嘗減溢者舊云錢氏時因鳳凰來鳴故以名洞

龍蛻洞 名勝志在大滌洞東巖穴巉峻深可數丈

宋皇祐初羽人於洞間得龍骨數具齒角皆全因

名記云五洞潛通此其一也

鄧牧龍蛻洞詩老龍山中居出山作霖雨

風雲幾聚散田野正辛苦  
神仙地位高使爾司下土

白茆洞 大滌洞天記在大滌之西南十里昔有人

遇一道士夜巾爽利自洞中出詢所自來曰吾白

茆先生職此久矣因名其門如井垂綆而下一二

丈至地乃下入二丈許有仙人石酒甕及石柱二  
一竅上徹天光境界奇絕

大滌洞 大滌洞天記在洞霄宮西北半里茅君傳  
云第三十四洞天名大滌元蓋之天周回四百里  
內有日月分精金堂玉室仙官校災福之所姜真  
人主之與華陽林屋邃道暗通相傳洞元先生入  
游見龍鱗異境花木鮮繁自華陽而歸洞門石鼓  
廣可尋丈扣之逢逢有聲自此上下皆平如剡削

兩旁崖石委曲夾道中間一石若柱倒懸因以隔  
凡名之過柱一穴如竇內闊丈餘中有圓井無底  
惟聞浪浪水聲乃歷代朝廷遣使投龍壁之處也

程俱游大滌詩太湖隱吏疎且頑手板拄頰看西  
山筆牀茶竈向何許往來洞庭林屋間側聞餘杭  
隱大滌故整烟艇尋苕川相從喜得二妙士金庭  
老客南昌仙早行不憚踏曉月逸思自覺奔春泉  
岡迴澗轉若無路但見老翠漫秋烟中峰一柱萬  
山表勢與太華爭擎天神仙古洞絕壁下蓬萊別  
館青雲間天壇無人石室冷偕問白鶴何時還人  
生但為形體累會當去之如蛻蟬金庭客南昌仙  
他時待我乘八景舉手少別三千年周文璞大滌  
洞詩嵌空纔入泉滴滴隔凡倒懸若錐立道士云



是間邱公入向華陽便門出周密游大滌洞詩太  
虛灝氣浮空濛烟霞九鎖蓬萊宮軒騰雲木競奇  
險澗芳實盡垂青紅何年斷鰲立天柱古洞陰森  
白鶴舞玉書寶劍不可尋老翠封崖滴元乳光芒  
靈氣千斗牛遺丹巖底誰能求黃精紫杞遍巖谷  
仙禽夜搗聲幽幽蟪蛄千年睡未足癡涎吼雷噴  
飛瀑陰風黑穴吹海腥石虎當關橫地  
軸是非萬古一笑嘖神仙不死今安在

何嶺 萬厯杭州府志在縣西南十八里高二十五  
丈長五里餘其嶺貫通朱橋上壽寺界舊有何氏  
居其下

獨松嶺 成化杭州府志在縣西北九十里高四十

二丈長五里去嶺二里有關名獨松

苕溪 成化杭州府志發源天目山涉於潛臨安兩縣界東流百五十里經本縣又東流二十七里而

至錢塘縣界又東北流六十二里入湖州德清縣

界而匯於具區故老云溪岸多苕花因名

釋靈一苕溪詩

苕水灘行淺潛洲路漸深參差遠岫色迢遞野人心凍澗冰難釋秋山日易陰不知天目下何處訪

林雲

停辭溪 萬厯杭州府志在縣東二十一里闊二十

步深四尺其源出縣之東南青嶂山東北流入錢塘縣界又自此由常熟鄉流入湖州德清縣界又云東溪

仇溪 成化杭州府志在縣東北二十里有二源一出高陸山東流八十六里至仇山之北一出獨松嶺東流八十里至仇山之下合流於盧公橋東行十二里入於苕溪以二源會於仇山故名

尹公湖 成化杭州府志在縣東半里通濟橋東苕

溪內每春風吹波驟漲數寸相傳尹公有異術叱水成湖土人因以名焉

南上湖 咸淳臨安志在縣南五里周三十二里與

下湖接

詳見水利

南下湖 咸淳臨安志在縣西二里周回三十四里

後漢熹平二年縣令陳渾開唐寶曆中縣令歸珖

重修

詳見水利

北湖 唐書地理志餘杭南五里有上湖西二里有

下湖寶厯中令歸珖因漢令陳渾故迹置北三里

有北湖亦珖所開

詳見水利

撫掌泉 大滌洞天記在洞霄宮之龍祠前深三尺  
許清冷可鑑餘杭圖經錢王至宮有雙鶴飛舞其  
上因撫掌招之鶴墜泉涌因名

丹泉 洞霄圖志此泉之源最高厯天柱山而下殷  
殷若雷至大滌洞西百餘步乃出甘冽不竭有方  
池瀦焉天宇清明則有赤色四旁苔蘚皆為紫暈

桃花泉 洞霄圖志在龍蛻洞西數十步自石罅橫  
注入溪昔人每見有桃花片流出莫知從來

明星瀆 大滌洞天記餘杭圖經云在縣東一里周  
回一百五十步歷朝勅使投龍簡於大滌必先祭此  
瀆相傳昔有人晝見星燦然故名

三池 萬歷杭州府志在縣西南十八里洞霄宮唐  
天寧間錢王開鑿疊石為暗溪約里許接天柱流  
泉瀦之於中若品字然

臨安縣

東天目山 萬歷杭州府志在縣西五十里高三千  
九百丈周回八百里有三十六洞為仙靈所居每  
歲秋率一日風雨晦冥俗云山神與江神會淳祐  
八年禱雨有應安撫趙與憲奏請封龍王為靈祐  
公賜廟額曰惠澤山有東西二目東在臨安西在  
於潛咸淳臨安志按大藏洞淵集第三十四洞天  
天目山洞周一百里名太微元蓋洞天

施樞東天目詩不解

巖險訪龍潭潭底無窮碧似藍亂石鳴灘溪過九  
飛泉瀉瀑壑分三雖然道士能相引不比愁人得  
盡諧怡悵飛揚無路  
到乘風應許御雲驂

燒山 咸淳臨安志在縣東二十里

獨山 成化杭州府志在縣東四里乃縣之水口山  
也石覆大溪上下有潭深不可測吳越王封其神

為鎮水山王

公山 咸淳臨安志在縣東二十里

東山 咸淳臨安志在縣西三里相傳謝安高臥之



地按晉書云安棲遲臨安山嘗坐石室臨濬谷悠  
然歎曰此與伯夷何遠山有塔院塔影倒垂

西山 咸淳臨安志在縣西五里高三十丈周七里  
晉許邁傳云永和二年自餘杭垂雷山入臨安西  
山登巖茹芝有終老之志

玲瓏山 咸淳臨安志在縣西十二里兩山屹起盤  
屈凡九折上通絕頂名九折巖南行百許步有亭

名三休

蘇軾登玲瓏山詩何年僊立兩蛟龍瘦脊  
盤盤上倚空翠浪舞翻紅擺極白雲穿破

碧玲瓏三休亭上工延月九折巖前巧貯  
風脚力盡時山更好莫將有限趁無窮

九仙山 咸淳臨安志在縣西四十二里葛洪許邁

棲隱之地坡詩自注云九仙謂左元放許邁王謝

之流也

蘇軾九仙山詩風流王謝古仙真一去空  
山五百春玉室金堂餘漢士桃花流水失

秦人因眠一榻香凝帳夢繞千巖冷逼  
身夜半老僧呼客起雲峰缺處涌冰輪

九州山 咸淳臨安志在縣西十五里舊有九祖儒

堂及廟九所俗謂錢九州廟羅隱作碑云錢逵字

通甫梁大同間為廬陵王國侍郎羽林監及陳祖

立遷東海太守娶瑯琊王氏生九子皆為郡故名

井戈山 嘉靖臨安縣志在縣西六十里通安吉州

山路縈迴深窈難行如負戈入井之狀故名

石鏡山 名勝志在城南里許其東峰一圓石光瑩

如鏡相傳錢王幼時臨照其形首戴冠冕既貴昭

宗詔改為衣錦山

霏雪錄山高三十六丈東峰有石徑二尺七寸其光如鏡太平

寰宇記云吳越王鏐布衣時常照此鏡鏡起而聳戰蘇軾石照詩山雞舞破半巖雲菱葉開殘野水春應笑武都山下土枉教明月殉佳人張昱衣錦山詩還鄉滿山都覆錦富貴應須白晝歸設宴九

龍堂上日沛中歌後似王稀張昱石鏡山詩臨安  
山中古石鏡曾照錢王冕服來天遣紫苔封裏後  
等閒不許  
別人開

功臣山 咸淳臨安志在縣南一里本名大官山唐  
昭宗詔改錢鏐所居為功臣山

碧茂山 成化杭州府志在縣南十里高八十丈周  
二十一里東有金牛山洞昔有金牛銜玉遺此故  
云隋將駱道興改今名

大山 嘉靖臨安縣志在縣北五十里天目山之東

北峰也山勢峭拔高二千六百丈周三百五十里  
通安吉州界俗云昔有倪氏居此今亦呼倪嶺

西徑山 成化杭州府志在縣北五十里咸淳臨安  
志唐代宗時僧法欽至山下據石牀而坐俄有老  
人曰吾龍也自師至此吾屬皆不安息當挈歸天  
目山願以此地為立錫之所乃導欽至五峰間指  
一湫曰吾去後湫當涸矣言訖不見頃之風雨終  
夕平旦視之已為平陸僅存一穴今龍井是也

蔡襄

游徑山記臨安縣之北鄙直五十里有徑山在焉  
山有佛祠號曰承天祠有碑籀述載本初唐崔元  
翰之文歸登書之石今傳於時云始至山之陽東  
西之徑二登自其西壁絕襟繞轎行少休松檜交  
錯盤鬱蒙翳尋丈之間獨聞語聲躋稜層披翠蒨  
盡十里許下視來徑青虬蜿蜒搏巖騰霄且及其  
巔峽束洞隱幾不容並行已而內括一區平林坦  
壑四面五峰如手豎指一峰南絕卓為巨擘屋蓋  
高下在掌中矣庭間小井或曰故龍湫也龍亡湫  
在歲率一來雷雨暝暄而鄉人祠焉者憧憧然環  
山多傑木絲杉翠檉千千萬萬若神官蒼士聯幢  
植葆駢隣倚徙沈毅而有待者逆溜周舍鏘然鏐  
然若鑾行佩趨而中節者由西峰之北數百步矧  
然巨石屏張笏立上下左右可再十尺劃而三之  
若川字隸文曰喝石巖其傳甚神並巖被谷修竹  
茂密常以斨刀刻竹兩節間成景祐三年十二

月十五日十字其遊之年月也蘇軾游徑山詩衆  
峰來自天目山勢若駿馬奔平川途中勒破千里  
足金鞍玉鐙相回旋人言山住水亦住下有萬古  
蛟龍淵道人天眼識王氣結茅宴坐荒山顛精誠  
貫山石為裂天女下試顏如蓮寒窗暖足來撲握  
夜鉢咒水降蜿蜒雪眉老人來叩門願為弟子長  
叅禪通來興廢三百載奔走吳會輸金錢飛樓湧  
殿壓山破朝鐘暮鼓驚龍眠晴空偶見浮海蜃落  
日下數投村鳶有生共處覆載內擾擾膏火同烹  
煎近來愈覺世路隘每到寬處差安便嗟余老矣  
百事廢却尋舊學心茫然問龍乞水歸洗眼欲看  
細字消殘年釋實存徑山夜坐聞鐘詩寒氣生毛  
骨天高露滿空二三十年事一百八聲鐘絕頂  
人不到此心誰與同凭闌發孤歎宿鳥起長松

垂雷山 咸淳臨安志在縣西南十二里高九十丈

周十四里晉許邁傳云餘杭郡垂雷山近延陵之茅山是洞庭西門潛通五嶽陳安世茅季偉常所遊處於是置精舍於茅嶺之洞室

閬山 嘉靖臨安縣志在縣西北二十里

臨安山 咸淳臨安志一名安樂山在縣西南十八里高一百丈周二十三里太平寰宇記云縣取此山為名

郭山 咸淳臨安志在縣西南十八里高二十丈周



五里輿地志云郭文嘗居此有碑文曰高山窄窰  
濬瀨潺湲颺生林下雲興巖端先生存歿安於此  
山又名曰白石山

西菩山 名勝志在縣西十三里兩峰對峙中間飛  
泉三疊

沈嶺山 成化杭州府志在縣西南四十里又名筍  
嶺通新城界俗傳昔有沈氏居此故名

五柳山 成化杭州府志在縣東北五里高二十丈

周五里峰巒秀拔巖壑盤旋上有平原故老云陶淵明曾居此山傳之妄也

八百山 成化杭州府志在縣東北十里高五十丈有三峰甚高中峰號大將山西峰號紫藤山東峰號八百山周九里

雙林山 臨安縣志在縣北十二里亦名西徑山坐天掌峰對驪珠峰左蛾眉峰右雲筆峰有寫玉巖浣雲池萬菊軒迎暉亭凡八景山半有澁水從浣

靈瀉下飛瀑甚長

仙掌山 杭州府志與天目相隣舊傳有仙人隱此  
既沒而葬裂棺飛昇板從空而墜故臨安有上板  
村又云二板墜紫溪東峰今名板塢

安國山 萬歷杭州府志在縣北二里高七十丈周  
二十五里

王屋山 萬歷杭州府志在縣北六里高三十丈  
龍鬚嶺 杭州府志在縣西五十里產龍鬚草故名

石洞 名勝志在縣西五十里其洞兩旁有石室可容百許人中有龍池云是天目之一廣可二畝池之西北無底有穴下通江海

玉仙洞 萬歷杭州府志在鳳翥鄉南山去縣四十里地名黃金漾名勝志宋淳祐間鄉民採樵者見一白獸入洞遂剷開洞口漸進漸深秉燭以視內有三洞深二十餘丈峻壁擁石高十丈許左青右黃有仙人跡有玉芝有寶座又有如幡者如白龍

者如獅子者二柱屹立色甚潔白柱間有井深六

尺內橫深不可計間吐烟霧氣微濕白龍體滴水

不竭其餘怪石不可勝數

王執禮游玉仙諸洞詩已從鹿巖游更入龍洞

去橫足螭蟬行連臂猿猱度滑徑鏘蠟屐陰厓然  
穉炬振策扶顛隣捫蘿猛扳附塗險幾欲窮境勝  
忽有遇谿訝通石竇參差流玉乳形開趣彌深興  
集理自裕便將遺世紛且復恣幽步紆餘窮冥搜  
淹畱迫顏暮題詩識蒼壁聊寫心  
蹟素重游宜無期恐忘來時路

錦溪 萬歷杭州府志一名石鏡溪在縣南一里流

至縣東獨山潭與南溪合流至餘杭縣名苕溪蘇

詩王注吳越王之宴父老也山林皆蒙以錦故有

錦溪之名

蘇軾錦溪詩楚人休笑沐猴冠越俗徒誇翁子賢五百年間異人出盡將錦繡

裹山  
川

南溪 萬歷杭州府志在縣西天目山發源至縣東  
入餘杭界共七十里

玉澗泉 黃汝亨天目游記黑驢菴折下二里四圍  
列嶂如屏飛泉漱石名玉澗泉

玉兒潭 晏公類要在縣西五十里

浣紗潭 晏公類要在縣西

新城縣

大雷山 萬歷杭州府志在折桂鄉上有龍池祈雨  
多應

戴家山 萬歷杭州府志在縣東二里昌西鄉高七  
十丈

塔山 咸淳臨安志在縣西二里 晁無咎塔山對雨  
詩山外圓天一鏡

開山頭雲起似浮埃松吟竹  
舞水紋亂坐見溪南風雨來

天柱山 名勝志在縣西十里七賢鄉之裘塢高一  
百二十丈唐大中間歲旱一老人云何不禱此山  
獨角仙人言畢徑去農者追於餘杭縣界曰我皇  
甫真君也因又名其山為皇甫山

嶠山 成化杭州府志一名峻山在縣西二十里新  
登鄉高二百五十丈周七里有龍穴深十丈源  
泉清徹旱禱必應

南山 咸淳臨安志在縣西三十里廣靈鄉高三百



丈

仙坑山 名勝志在縣西二十里晉咸和中有七仙  
客圍碁此山因名

鄭家山 名勝志去縣西四十里有石馬巖雨花巖  
最奇絕

石羊山 成化杭州府志在縣西四十里高一百五  
十丈

漁洲山 成化杭州府志在縣西六十五里南安鄉

高三百丈中有合龍池或曰合靈池巖上有三池  
深莫能測奇詭萬狀西又一池者舊言其源與天  
目龍池通

綠衣山 萬歷杭州府志舊名烏衣山在縣南五里  
祥禽鄉高三百二十丈周八十五里

百丈山 名勝志在縣南五里一名卓筆峰鼉江繞  
其下

青巒山 萬歷杭州府志在縣南八里太平鄉高一

百二十丈下有碧沼寺

北山 咸淳臨安志在縣北三十里

晁無咎游北山記去新城北三

十里山漸深草木泉石漸幽初猶騎行石齒間旁皆大松曲者如蓋直者如幢立者如人臥者如蚪松下草間有泉沮洳伏見墮石井鏗然而鳴松間藤數十尺蜿蜒如大蛇其上有鳥黑如鵲鵲赤冠長喙俛而啄磔然有聲稍西一峰高絕有蹊介然僅可步繫馬石甯相扶携而上篁篠仰不見日如四五里乃聞雞聲有僧布袍躡履來迎與之語睨而顧如麋鹿不可接頂有屋數十間曲折依崖壁為闌楯如蝸鼠繚繞乃得出門牖相值既坐山風颯然而至堂殿鈴鐸皆鳴二三子相顧而驚不知身之在何境也且暮皆宿於時九月天高露清山空月明仰視星斗皆光大如適在人上窻間竹數

十竿相摩戛聲切切不已竹間梅棕森然如鬼魅  
離立突鬚之狀二三子又相顧魄動而不得寐遲  
明皆去既還家數日猶恍惚若有遇因  
追記之後不復到猶往往想見其事也

龍門山 咸淳臨安志在縣西七十五里新安鄉高  
三百丈上有龍池

鷗棲山 成化杭州府志在縣西五十里高五十丈  
釋子山 杭州府志在縣西北二十里有靈耀寺晉  
悟空大師嘗與郭文舉築菴於上故名

青牛嶺 成化杭州府志在縣西七十里南新鄉又

名寶福山山上有多福寺

蘇軾青牛嶺高絕處有小寺人迹罕到詩暮歸

走馬沙河塘青烟裊裊十里香秋行曳杖青牛嶺  
寒泉咽咽千山靜莫道山僧耳聾喚不聞百年俱  
是可憐人還衝細雨山前去白雲正在題詩處

仙洞 成化杭州府志在縣南二十五里太平鄉入  
洞二百步漸下有石橫截人不得入

蛻龍洞 咸淳臨安志在縣西十八里新登鄉相傳  
初開此洞石門九重深不可極得牙骨一斛蛻而  
去石間有鱗爪痕首尾宛然稍深入分為二徑遊

人不敢復入

司馬撫蛻龍洞詩雷雨何時起蟄龍蒼痕天矯石巖空不緣嗜好尋劉累

定向人間  
試葉公

新婦洞

萬歷杭州府志在縣西北四十里廣陵鄉

故老相傳云昔有一婦人靚粧而入失其所在因名

將臺石

萬歷杭州府志在昌西鄉下港口山臨大

江與狀元峰並峙俗傳謂宋時觀兵於此故名

鼉江

名勝志在縣南五里按吳越備史江上常有

二氣晝夜不滅及杜建徽羅隱生而二氣不復見  
葛溪 杭州府志在縣西七里相傳葛仙翁鍊丹於  
此故名

松溪 杭州府志在縣北五里源出臨安界至行者  
橋與葛溪合流入江

余溪 萬厯杭州府志去縣西二十五里廣陵鄉源  
出分水縣東流至巖石十一里與葛溪合流

湘溪 杭州府志去縣西三十里源出新婦洞南流

與大溪水合

西溪 萬厯杭州府志去縣西七十里南新鄉源出  
漁洲山底東流至三溪口四十里與於潛天目水  
通流

浴丹池 杭州府志在寧國院舊址之前朝暮消長  
與錢塘潮信同人候之不差晉郭文遺蹟也

深浦 杭州府志去縣南二十五里闊二十丈深淺  
無度潮水往來

詳見水利



放生池 咸淳臨安志在縣西七里折桂鄉寶勝院

前唐天寶中置池深丈餘周二里內有洞下通桐

廬江

許仲蔚題放生池詩唐  
家舊佛祠樓閣影參差  
魚散不知處水流無斷  
時山光朝暮變人

事古今移惟有好  
生德恩波尚滿池

### 於潛縣

西天目山 杭州府志在縣西北四十五里水經注

吳興於潛縣北有天目山山極高峻崖嶺竦疊西

臨後澗東面有瀑布下注數畝深沼名曰蛟龍池

太平寰宇記山高三千九百丈廣五百五十里水  
因山曲折東西巨源若兩目然故曰天目東出臨  
安為大溪東流為苕西趨於潛為紫溪合桐廬之  
水以滙於浙江咸淳臨安志道士唐子霞謂天目  
山又名浮玉山連亘杭宣湖徽四州周三十里郭  
璞詩云天目山垂兩乳長龍飛鳳舞到錢塘誠一  
方之巨鎮也山有銘勒在龍池東銘曰列岳霞上  
標峰霧裏翠滴烟巒名不可紀

僧皎然冬日天目  
西峰過張鍊師詩

振衣逢野泉漸見幽棲所坎坎山下聲幽幽林中  
語仙卿何代隱鄉服言亦楚開冰洗藥苗掃雪候  
山侶零葉聚疎籬幽花積寒渚冥冥孤鶴性天外  
思輕舉僧靈一天目山詩昨夜雲生天井東春來  
一雨一回風林花併逐溪流下欲上龍池路不通  
張羽天目山詩東西峰對峙麋鹿日成羣四月猶  
飛雪半山長是雲洞香仙藥遍天黑  
聖燈分千古錢唐勝登臨愜素聞

東山 萬厯杭州府志在縣東二百步

岑峯山 太平御覽吳興記於潛縣西二里山有絕  
壁高三十許丈謝安常登之臨壁垂足曰伯昏瞀  
人何以過是咸淳臨安志岑峯者山之高峻貌也

峭聳清絕下浸碧溪旁環翠巘遙望天目為醒心

豁目傑特之觀

高翥歲除登岑岑山精舍詩蕭寺經行無盡情倚闌長是眼增明溪

因宿雨十分急山為凝寒一味清竹外飛花隨晚吹樹頭幽鳥試春聲重來又是明年事臨出門猶

款款行

西菩山 咸淳臨安志在縣西十三里常現菩薩像

因以名山九嶺交陳雙峰對峙有明智寺在焉

金鵝山 萬厯杭州府志在縣南一里高八十丈周

回二里

金樓山 咸淳臨安志在縣南二十九里一名霞山

馬頭山 萬歷杭州府志在縣南四十五里山形狀如馬頭高一千二百丈周回四十五里

良梅山 萬歷杭州府志在縣南八十里高八十丈周回八十里

晚山 太平御覽吳興記於潛縣西四十里有晚山悉是松木真墨所出也

生仙山 咸淳臨安志在縣南三十里天師張道陵

生於此山之西因以名之

地風山 咸淳臨安志在縣南七里風多自石穴中起

流襄山 咸淳臨安志在縣南五十里

閱武山 咸淳臨安志在縣北五十里吳越王置寨以禦江南李氏因名

浮玉山 萬厯杭州府志在縣北七里高一百丈周回十里

鶴山 萬歷杭州府志在縣東北三里高一百三十丈周回二十里

獨角山 萬歷杭州府志在縣西南三十里高三百丈周回二十里

浪山 咸淳臨安志在縣西南三十五里上有三池相接神龍所宅每雲滃然而興稚耄必譁曰浪山雨來矣山後有柯侯潭舊志云柯侯自歛泛舟而下溺於此每陰翳若聞絲竹聲起潭中浪與山連

故曰浪山

翔鳳峰 西天目山志在中峰塔後稠木旁生懸崖  
峭舉遠望此峰恒有落勢

天柱峰 西天目山志在絕頂上有二石直起千霄  
玉柱峰 西天目山志在天目中峰西高四十丈遙  
睇錢塘江流如帶

蓮花峰 西天目山志在天目之西麓自麓至嶺約  
十五里狀如出水蓮花



蘆嶺 萬歷杭州府志在縣西三十里接昌化界

浮雲嶺 萬歷杭州府志在縣南二十五里高二百五十丈接新城縣界

楊嶺 萬歷杭州府志在縣北三十里高一百二十丈北抵天目山西北達寧國驛路

千秋嶺 萬歷杭州府志在縣北五十五里高三百丈接寧國縣界嶺上舊有關

水凝嶺 萬歷杭州府志在縣東北九十里高三百

丈接安吉州界

皇甫巖 成化杭州府志在縣東十五里後漢皇甫嵩破妖賊許生於此民懷其德而以巖記其姓

大鳴巖 成化杭州府志在縣北三十里寨村東巖獨高峻四圍甃石如小城相傳錢氏屯軍於此

芝草巖 西天目山志在西尖之西昔有采藥者見芝草一本五色備具

伏虎巖 西天目山志在中峰之右

太陽巖 成化杭州府志在縣西南二十五里其岡  
自浪山蜿蜒而來傑然卓出每東方啓明晴光先  
照絕頂故名世傳徐伍二仙餐霞服日於此月朔  
則朝於天目又名朝青崖陰有二石其形如鹿

湖潭洞 成化杭州府志三穴皆在谷口東溪岸雲  
鶴巖之麓上接天目安溪相傳洞與太湖通故名  
石城 西天目山志在天目西尖之西南岸章村之  
隣境高數丈南北五十餘丈其外可履內深邃不

可入若城之大小塹

石門 西天目山志在天目半峰嶺東西各一高十

餘丈僅容一體登金仙菴之要路也

新婦石 西天目山志在天目西峰半山之中道面  
東昂立高五丈與東目新郎石相對

印渚 於潛縣志在長安前鄉世說新語注吳興記  
云於潛縣東七里有印渚渚旁有白石山峻壁  
四十丈印渚蓋衆流之下溪也

紫溪 咸淳臨安志在縣南三十里源出天目龍湫

昌化柳源兩溪合流入分水縣界唐書地理志貞

元十八年令杜泳開

詳見水利

浮溪 成化杭州府志在縣西二里又名錦江闊五

十二丈深五尺汪石川觀政橋碑錦江為天目諸

水之會而勢特險當徽浙通衢之衝

詳見水利

交溪 成化杭州府志在縣西一十五里以浪山柳

源二水合流故名

仙池 西天目山志在天目西尖絕頂之上深廣二尺許每遇歲旱四方禱雨者請池水虔禱即雨

龍池 西天目山志有上中下三池俱在天目東北峰下上池在垂崖下高五十仞石壁如門峻立對峙以限水之出崖間有石如獅下瞰潭水中池水接上池噴瀉十餘丈下池水接中池紺碧深邃幽沈莫測三面皆盤石環繞南入大溪至紫溪七十二灘皆發源於此

洗眼池 萬歷杭州府志在天目雙清莊太子菴乃  
昭明洗眼之所

天井潭 萬歷杭州府志在柱石山南深不可測或  
云通浪山池欲雨則先雲氣瀰漫景物凝晦村老  
常以為候

濯纓潭 萬歷杭州府志在柱石山北

昌化縣

唐山 咸淳臨安志在縣後高二十丈為縣治主山

武隆山 咸淳臨安志在縣西北一里許高一百五十丈周回二十里有葛洪鍊丹井唐天后以山名應圖識分紫溪縣別置武隆縣

青山 成化杭州府志在縣前雙溪之南岸高二十餘丈其狀如屏又名南屏山一曰官山

百丈山 咸淳臨安志在縣西三十里高一千五百丈周回二十里一名潛山輿地廣記紫溪水所出東南流徑新城謂之桐溪又徑桐廬入浙江吳興



地理志云堯時洪水此山潛水中不沒者百丈因名

龍塘山 萬厯杭州府志在縣西七十里高一千丈  
延袤五十里山多怪石峙立如門其上為龍池林  
谷幽窈不類塵世

仁山 萬厯杭州府志在縣南二十五里高二十丈  
延袤六里

銅坑山 咸淳臨安志在縣南五十里高一千丈東

接分水南帶淳安西亘績溪其最高窮絕處有龍池三

佛跡山 萬厯杭州府志在縣南五十里高一千丈  
延袤三十七里始獵者見神人雙跡於雪中因名  
石筍山 名勝志在縣南三十五里巨石如筍故名  
柳相山 咸淳臨安志在縣東南二十五里高一千  
八百丈周回一百三十里接於潛縣紫溪南入分  
水縣界

箕山 咸淳臨安志在縣西北十里神仙所隱

千頃山 萬厯杭州府志在縣西北六十里高一千

六百丈延袤六十里廣千頃其嶺有龍潭廣可數

百畝潭中有金銀魚宋高宗常命中使取之

司馬  
煥游

千頃山詩欲為龍池游束裝戒蓐食雞鳴天未曙  
呼兒重蠟屐縈回溯寒溪確磬疲亂石迢迢萬丈  
嶺宛轉蒼龍脊山高吐朝氣恍不辨咫尺俯聽雷  
雨聲仰逐猿猱跡委蛇度花塢淨綠草可席喜如  
出籠檻身輕飛鳥擲不辭雙足繭遠探蛟龍窟傳  
聞此山巔舊有滄海色邇來三十年潭湫變枯荻  
至今應江湖尚浮鷗鷺集至理竟未解  
對之空太息不如西湖遊揮篙汎瑤碧

雲谷山 名勝志在縣西四十五里岑峰崛起林谷  
逶迤常有雲氣出入故名

大鵠山 咸淳臨安志在縣西六十里山類鵠頭得  
名勢凌霄漢人不可到惟采藥人結伴攜糧具火  
信宿上下其中坦平神仙所棲花果人不敢採

紫薇嶺 杭州府志在縣東一里高三十六丈

黃花嶺 萬厯杭州府志在縣西三十里與寧國接  
壤其上有關

昱嶺 萬厯杭州府志在縣西七十里高七十五丈  
其嶺為徽杭之交山勢險阻常置關禦寇故又曰

昱嶺關

互見  
關梁

龍髯嶺 咸淳臨安志在縣西南四十里地名蒲川  
棧嶺 萬厯杭州府志一名分界嶺在縣西一百里  
其嶺為績溪縣界

玉嶺 萬厯杭州府志在縣南三十五里高七十丈  
石巖 咸淳臨安志在縣南佛跡山自麓至巔一日

方到上有石鼓石座石棋枰舊傳為神仙所棲之處

墨子巖 咸淳臨安志在縣南四十里蒲村其高切雲上有室穴坐具昔樵者見野服三四人奕棋石上問侍者曰古墨子也

玉仙洞 成化杭州府志在百丈山石洞幽深古仙人王太伯常居於此昔人見有鹽數十袋曝於洞口就之不復見人始信為神人所居為崩石塞門

不可入

石燕洞 成化杭州府志在縣西四十五里邃深莫測石門高丈餘其中如巨室可坐數十人其頂有天窗通明泉流涓涓繞石如琴筑聲四時不絕昔有石燕飛出故名

秦皇石 萬歷杭州府志在縣西二十四里百丈山下兩石對峙高三丈許相傳秦始皇東遊登會稽欲作石橋跨海嶼觀日出處使神人驅石行不速

輒鞭之此二石乃驅之不去者

石鏡 咸淳臨安志在龍髯嶺後瑩徹可鑒明則霽  
昏則雨邑人以為占候

小石門 萬厯杭州府志在縣西北五十里兩崖如  
門高倚霄漢門僅可通人流泉循門而出

奧溪 萬厯杭州府志在縣西六里其源出寧國山  
界至金紫巖東流五里合黃溪南流過塌水橋入  
晚溪



晚溪 成化杭州府志在縣西七里有洗耳灘唐人  
詩葛井許灘今古傳蓋因許遠遊隱於此世人遂  
記為許由

巨溪 萬厯杭州府志一名蘧溪在縣西十七里北  
接上溪東南流經青山潭黃石灘與晚溪會巨石  
湍激雨漲則濤浪益險渡者患焉

雙溪 成化杭州府志在縣南一百步溪中有洲水  
分南北過縣復合於一湍聲澎湃巖谷響應

范成大雙

溪詩翠染南山擁縣門一淵橫截兩溪分長官日  
永無多事臥聽灘聲看白雲左譽雙溪詩孤嶼藏  
烟迷宿鷺扁舟和雨阻沙鷗西湖  
不是無風月每到唐山特少畱

覽溪 成化杭州府志在縣南三十里其流自蕭渚  
二源合派而出迂迴九曲以達於柳溪蓋因山折  
流故也

柳溪 成化杭州府志在縣東南二十五里上名小  
柳下名大柳乃一邑衆水合流之口亘三十里巨  
石參錯屹乎中流水勢湍激洶湧澎湃其聲如雷

真奇觀也

烏儀潭 萬歷杭州府志在縣西三十里百丈山下  
潭水清冽中有嘉魚異螺相傳有赤色靈鳥向水  
邊呈羽儀人欲羅之即化為石故名

太公潭 萬歷杭州府志在縣西三十里百丈山之  
左相傳泰伯採藥南來常陟此山飲泉而甘因名  
雙眉潭 萬歷杭州府志在縣北十五里地名上溪  
潭舊傳陳霸二仙隱此有垂釣石石上有枕臂坐

跡鷓鴣塞雙眉潭上有石壁壁上有雙眉痕

柯相公潭 咸淳臨安志在縣東南十五里大溪中

有巨石盤固水勢湍急相傳柯相公舟溺於此遇

澄霽則所覆之舟可見遇陰晦時或聞水上樂聲

東坡池 萬歷杭州府志在縣西城隍廟西北東坡

以倅車至邑時愛其風景築亭鑿池種千葉紅蓮

龍孔泉 咸淳臨安志在縣南金山玉嶺每巨魚出

必雨

天井泉 咸淳臨安志在縣西五十里馬塢小山巔  
有石竅不可測其中若列梯級可通人上下有泉  
涓涓灌注石面凝結石脂圓者名寒水石如冰筋  
者名鵝管石晝執燭可入光彩奪目或以絲繫石  
下度之其聲簌簌如鼓相傳此泉通朱浪村長潭  
東坡泉 咸淳臨安志在雙溪西數十步石竅中出  
坡公始尋溪源得之以淪茗

浙江通志卷十

欽定四庫全書

浙江通志卷十一

山川 三

嘉興府

嘉興秀水  
二縣附郭

餅山

嘉靖浙江通志在府治東北高三丈相傳宋

時置酒務在此其巒岳所棄積久成山又嘉善縣

南亦有餅山

五臺山

名勝志在府治西北宋寶安禪師來自五

臺山躬運土石作山亦名五臺并建五臺院

范蠡湖

嘉興府志補在澄海門內范蠡橋西約周

二十畝湖水縹絲甚白中產五色細螺昔范蠡泛

舟五湖從此發櫂

朱彝尊駕鸞湖櫂歌落花三月  
莫西施寂寞城隅范蠡祠水底

盡傳螺五色湖  
邊空挂網千絲

臘脂河

一名傾  
脂河

槁李詩繫在郡治西經楞嚴寺東

北折而過天寧寺前相傳西施傾脂水於此

錦帶河

嘉興府志補在府治西子城下以其環抱



府治故名

韭溪 名勝志在府城內即南湖之支流經府而達

運河至元嘉禾志考虞仲翔川瀆記云太湖東通

長洲松江水南通烏程霅溪水西通義興荆溪水

北通晉陵漏湖水東通嘉興韭溪水凡五通謂之

五湖故嘉興有韭溪焉

張堯同韭溪詩終與雙溪接分流入郭來市橋人影

合不解  
洗塵埃

謹按晏公類要云川瀆記謂太湖東通嘉興韭溪  
水今運河西北接太湖則當是東南通韭溪耳

金魚池

樵李詩繫在郡西北唐刺史丁延贊養金

鯽於此

靈光井

樵李詩繫在郡城內精嚴寺本晉徐熙之

別業因夜發光捨為寺成帝賜名靈光

嘉興縣

城外山川

及山

嘉興縣志在縣西南嘉會都千金字圩

半屬本縣

半屬桐鄉

胥山

弘治嘉興府志在縣東二十七里一名張山

右有吳王磨劍石閒窗括異志嘉興胥山高一十

五丈周二里舊經云伍子胥伐越經營於此

朱彞尊周

箕沈傳功秋日登胥山聯句秋水日以駛輕船泛  
清澄流沿轉紆曲擢急黏蕰菱仄峰尚阻樹近寺  
俄飛稜窅窅梵磬出鱗鱗波雲興流目訝突兀賞  
心闕峻增舟維臥柳渡道失寒瓜塋誰言崕嶮微  
曲磴緣百層碣殘蘚欲剝祠古藤交緮緬懷大夫  
節千秋痛填膺覆楚豈大義忠孝不兩能飲泣蘆  
中漁悲歌河上朋當其恥已雪屬鏤非所矜慨此  
空山中遺跡猶可徵刀截兩白石指點由孤僧其  
傍臥石劍霜花常侵凌皜如鋪練帶亘若橫舟枰  
又如常山蛇首尾相為應觀其氣憤激毋乃神式  
憑常想鞭荆尸壯士心摧崩至今祠下水猶作胥  
江稱吾徒久于役遠攬岱與恒顧茲百里內履齒

游未曾故鄉洵足慕高興偶此  
乘寄言同心客暇日期重登

謹按水經注云子胥死於吳吳人立祠江上名胥  
山今杭州吳山名胥山又蘇州吳縣亦有胥山並  
此而三矣

澎湖 弘治嘉興府志在縣南二里一名馬場湖樵

李詩繫宋志云闊五百丈深三丈北隣城壕東列

麋市其西則鴛湖也

姚綬馬場湖詩初見菱葉稀  
漸見菱葉肥馬場湖水闊處

處采  
菱歸

相家湖 弘治嘉興府志在縣東北九里

靜志居詩  
話懷悅居

在相湖之南曰柳莊亦曰柳溪自號柳溪小隱又號相湖漁隱懷悅游相湖詩雲滿銀壺酒色濃尋春不讓濃西東波添鴨綠今朝雨花落猩紅此夜風一段好懷凝野望萬家生意荷天工平沙淺渚都經遍吹笛滄浪月滿空

雙溪 弘治嘉興府志在縣東六里以其近漢魏塘故名舟之達於松江者皆由此溪

梅溪 舊浙江通志在治南四十里溪傍村落多樹梅故名

藕溪 嘉興府志補在縣東三十里正統初許職方

父號松泉植藕花於上名人多游泳焉

漢塘 弘治嘉興府志在縣東南十五里唐書地理

志海鹽注云面北六十里有漢塘太和七年開

詳見

水利

橫塘 至元嘉禾志在縣南五里自南澎湖轉路馬

塘廟而上南至海鹽謂之橫塘劉文房詩云家在

橫塘曲是也

詳見水利

練塘 弘治嘉興府志在縣南二十五里東西通橫

塘長水塘吳王練兵之所

詳見水利

長水 嘉興縣志在縣南三里水自海寧諸山貫硤石東北流五十里入嘉興縣界合於鴛鴦湖至元嘉禾志始皇東游至長水聞土人謠曰水市出天子從此過見人乘舟交易應其謠遂改為由拳縣馬塘涇 檣李詩繫在郡城南七里九域志云始皇至此過水為堰斬馬祭之

鶴渚 至元嘉禾志在縣南二里陸宣公舊宅放鶴

之所

謹按樛李詩繫云鶴洲在嘉興南三里唐裴休放鶴處考休本傳未嘗至禾中至元志作陸宣公為確今從之

鳳凰洲 樛李詩繫在郡東七里宋隆興元年有五  
色鳥飲啄其上故名

秀水縣

城外山川

天星湖 吳地記嘉興縣東五里有天心池弘治嘉  
興府志天星湖縣東北二里一名天心湖中水草



不生大旱不竭舊傳秦始皇發囚所掘

張堯同天  
心湖詩拍

岸浮春綠菰蒲四遠生網  
羅人不見魚鳥亦忘情

鴛鴦湖 名勝志在治南三里一名南湖其禽多鴛

鴛故名或云兩湖相接如鴛鴦然聞人滋南湖草

堂記南湖百有二十頃

薩天錫過秀州南湖詩三  
山雲海幾千里十幅蒲帆

掛春水吳中過客莫思家江南畫船如屋裏蘆芽  
短短穿碧沙船頭鯉魚吹浪花吳姬蕩槳入城去  
細雨小寒生綠紗我歌水調無人續江上月明吹  
紫竹春風一曲鷓鴣詞花落鶯啼滿城綠胡奎南  
湖翫月詩團圓三五月挂在水倒影姮娥呼不起  
坐我青天中低頭看月月在水倒影姮娥呼不起

三更露下芹袍涼恍然濯足銀河裏城南斗酒真  
珠紅與月共醉鮫人宮醒來月落不知處張帆且  
趁清明風高巽志駕湖秋月詩雙湖偃長虹月出  
微瀾靜鼓枻獨沿泗流光蕩空影朱彛尊駕鸞湖  
櫂歌二首沙頭宿鷺傍船栖柳外鷺鳥隔岸啼為  
愛秋來好明月湖東不住住湖西宣公橋南畫鼓  
棹酒船風幔玉鴉又碧山銀  
挽勸郎醉櫂入南湖秋月斜

東郭湖 弘治嘉興府志一名冬瓜湖一名宋郭湖

以其在郡城東北故名東郭冬瓜者音之訛宋郭

者字之訛也

春渚紀聞張祐子虔望有詩名求濟於嘉興裴弘慶署冬瓜堰官虔望不

服曰祐子守冬瓜已過分矣

秀水縣志舊置堰其上以蓄西湖

之水今開堰置橋

幽湖 弘治嘉興府志在治西四十里支流環錯匯  
為深源因以為名

秀水 槁李詩繫在郡城北麗橋東相傳水浮五色

見者獲慶亦稱繡水明析邑名因此

張堯同秀水詩好景明於

畫長浮五色螺一竿  
吾欲釣來此聽漁歌

西溪 嘉興府圖記在郡西三里

徐一夔西溪隱居記西溪在嘉禾郡

城之西溪流迴合匯而為涇貫而為港微波細漪  
皆潔妍可愛初郡之置以秀水名志稱秀水在北

門外西溪  
其支流也

爽溪 萬歷秀水縣志在縣西北闊可二丈其長縈  
紆半里東通韭溪

穆溪 名勝志在城東北四里水接上谷湖入太湖  
中多龍骨俗呼北運河

運河 秀水縣志在治西北四里舊志隋大業中開  
江南河自京口至餘杭八百里以通龍舟

月河 嘉興府圖記在治北一里抱城灣曲如月亦

名月壕

張堯同月壕詩入徑深於塢滄波近馬蹄每尋蓮社友咫尺走東西

青龍港

舊浙江通志在治南三里通海鹽塘

白龍潭

至元嘉禾志在治西南五里景德禪院前

白龍穴於此故行舟飄溺居人作三塔埋舍利以鎮之宋淳熙初歲大旱知縣李時習用南中攬龍法隨車霑霈歲果豐稔

螺潭

萬歷秀水縣志在縣南五里相傳有白色螺

生其中

六百畝蕩 弘治嘉興府志在治東北二十九里廣

袤約計六百畝

天荒蕩 弘治嘉興府志在縣東北思賢鄉南接許  
蕩西接毛頭菜花等蕩皆有菱芡之利

王江涇 名勝志在漕渠東相傳王氏江氏家於此

亦名聞川宋聞人氏家焉

稿李詩繫宋武節將軍  
聞人宣扈蹕南遷定家

於此元孫恂為進義  
校尉死崖山之難

嘉善縣

胥山 正德嘉善縣志在治西南十三里半屬嘉興

縣

詳見嘉興縣

餅山 弘治嘉興府志在縣治南高七丈周二百餘

步草木陰翳宋置酒務於此

陳鶴餅山詩餅山高閣帶疎星醉倚琵琶

倒玉餅落日未迴青雀舫行雲先度白牛溼

鶴湖 名勝志在縣西北三十里中多蓴菜蘆葦舊

常產鶴故名

麟湖 樵李詩繫在嘉善縣西十三里有東西兩湖

界接秀水

汾湖 弘治嘉興府志在縣西北三十六里又名分

湖以其半為吳江縣界故名

張堯同汾湖詩我是滄浪叟間來繫釣鰲

如何一湖水  
半秀半吳江

夏湖 樵李詩繫在嘉善治北三十里又曰夏墓蕩

魏塘河 嘉興府圖記在縣東十二里亦名武塘相

傳魏武帝常經此故名

文水 弘治嘉興府志在文廟後環繞饗宮



茜溪 名勝志在縣北一十二里其地常出茜草故

名

松溪 正德嘉善縣志在思四都

張練塘 弘治嘉興府志在治北三十里按宋志云

吳王權造戰艦於青龍鎮遂張帆練兵於此

夏元吉過

張練塘詩塘名張練起何時試問村翁盡不知  
畫舫乘風過鼓過落花飛絮漫相隨

平川 舊浙江通志在治北二十四里一名西塘又

名斜塘

蓮花涇 嘉善縣志在奉九北區

清風涇 嘉興府圖記在治東二十四里舊名白牛

塘相傳宋陳舜俞跨白犢往來處

王秀涇 弘治嘉興府志在治西北二十四里東有

甌塔

祥符蕩 槁李詩繫在嘉善北二十里受雙葑南尤

北尤并甌溪諸水達青浦界

查家蕩 槁李詩繫在嘉善縣北多荷花

高啟查家蕩詩秋老

共溪長游人笑語涼萍開天倒影蓮墜水浮香魚  
留和星漉禽置帶雨張從今搖桂棹不必問瀟湘

許巷蕩

嘉靖浙江通志在縣西北三十六里

詳見水利

淨池

樵李詩繫在嘉善汾湖之南有淨池蘆墟柳

溪諸水

楊維禎游淨池詩汾水南頭第幾灣淨池  
初曉鏡光寒漁舟晒網日將出酒肆招帘

露未乾楊柳淡烟迷隔浦桃花新水漫前  
灘習家回首今何在風物爭如此地看

幽瀾泉

六硯齋筆記在縣東武水北景德寺幽瀾

井

顧孟時幽瀾泉井詩秀水東流入魏塘一泓誰  
鑿近禪房煮來茗碗清無滓分出花渠細有香

海鹽縣

秦駐山 至元嘉禾志在縣南一十八里樂資九州

志云縣有秦逕山秦始皇經此美人葬於此山下

有美人廟故名水經注云海鹽縣南有秦望山秦

始皇登以望海

彭紹賢秦駐山詩二首水淺蓬萊歲幾更凡夫那解馭風行空教海

外畱徐福一片荒山浪得名翠蓋金支想像間昔時流水尚潺湲美人似念今祠廟死作山花不肯還

巫子山 朱彝尊駕鷺湖權歌注秦駐山東海口有

巫子山

白塔山 至元嘉禾志在縣東南二十里山上有白

塔因名舊有港通魯浦名曰白塔潭海舟多泊焉

北戶錄唐至德初徐正字蕤於海鹽白塔  
山沙渚之上得一桃核片可貯米一升

望虞山 至元嘉禾志在縣東南二十二里舊經云

陽海可望會稽上虞縣因名

大步山 小步山 弘治嘉興府志俱在縣南二十

里

陸墓山 澉水志在鎮西北五里因姓得名

石屋山 漱水志在鎮西北五里上有石壘成屋舊傳黃巢時民避兵處

青山 弘治嘉興府志在縣西南三十五里宋志漱浦鎮之主山也山上置烽堠

長牆山 海鹽縣圖經在縣南三十五里漱水志秦始皇東遊登以望海以其孤聳望如堵牆故名

石帆山 弘治海鹽縣志在縣西南三十餘里海中漱水志在靈潭右聳若帆挂

葫蘆山 名勝志其山浸在海中潮汐消長如葫蘆  
出沒故名語云潮生潮退葫蘆自若其下有葫蘆  
寨

荊山 海鹽縣圖經在治西南四十五里澉水志荊  
山占永安湖之勝下有悟空寺

雞籠山 海鹽縣圖經在縣西南六十里澉水續志  
地名徐灣俗傳有金雞見故名

鹿山 海鹽縣圖經在治西南四十五里澉水續志

山在中湖塘西與譚山相連

鷹窠頂山 海鹽縣圖經在治南三十里明一統志

石帆之東有鷹窠頂山一名南陽山

貝瓊游鷹窠山記距黃灣

二十里大山嶄然中高旁殺巨海匯其陽秦駐亘其陰 雲岫菴志山有九曲

逕獅頭巖絕頂可望日出

朱彝尊駕鵞湖櫂歌注鷹窠頂在澈浦山椒每

十月朔見日月並出海中貝瓊九日遊鷹窠山詩忽忽已九日出門渾無泥地偏實斗絕有山如會稽賓客後雜還僕夫各有攜天風海上來我馬驕且嘶陂陀出險徑窈窕遵迴溪前登郢家嶺始覺翠蓋低作者四五人更托千層栖日午叩其戶不愁蒼耳迷欲俯栖鵲窠上凌萬丈梯豈但畏猛虎



仿佛聞天雞共燕修竹林落日猶在西相看且一笑四郊多鼓輦錢齋游鷹窠頂山詩孤峯倚天碧側徑入蒼烟蠟屐還今日題詩自昔年磴雲生古木溜響落寒泉極目滄溟外蓬瀛一點烟

金牛山 至元嘉禾志在縣西南五十里按九州要記古有金牛入山皋伯通兄弟鑿山取牛山圯二人同死穴中又名會骸山

紫雲山 弘治嘉興府志在縣西南三十六里唐德宗時有村女出耕紫雲覆其上朝廷聞之詔入宮因名槁李詩繫山在澈浦有天咫峰星晶石弄月

臺枕流巖諸勝

茶磨山 海鹽縣圖經在縣西南三十七里山在黃  
巢街側山下周迴有港港外周迴有塹昔人避兵  
結砦處

金粟山 至元嘉禾志在縣西南三十五里山周迴  
六里一名六里山按吳地志有石篆書三十八字

天冊元年刻碑海鹽縣圖經上有秦皇劍池

王守仁金

粟山詩金粟峯頭縱遠觀山雲不動萬松寒飛崖  
瀉碧雨初歇古澗流紅春欲闌佛地移來龍窟小

僧房高偕鵲巢寬飄然悟却  
離塵想一笑天風振羽翰

夾山 嘉興府圖記在縣南三十五里在金粟金牛  
兩山之間故名

鳳凰山 海鹽縣圖經在治西南三十九里吳家山  
側形似鳳之展翅弘治嘉興府志鳳凰與竇家山  
小山澤山颺山相近俱列峙於澉浦鎮之西南

月山 弘治海鹽縣志在縣西南四十五里與小山  
相接去澉浦鎮西三里有鎮南五里曰葛母山在

鎮東六里曰篠山

泊櫓山 漱水志在鎮西三里高冠諸山輿地志始

皇渡海泊櫓此山因名

礪頭門山

一名廟山

海鹽縣圖經在縣西南四十五里

山上有礪王廟

石馬山

一名隱馬山

漱水續志山與礪頭門山相連宋

時官給亭戶煎鹽之所至今謂之官山

碧里山 海鹽縣圖經在縣西南四十五里

豐山 嘉興府圖記在治西南十八里上有石屋三

所舊傳秦始皇屯兵於此東南有九母塚

橫山 至元嘉禾志在縣西南二十里顧況所居

李良

年看新漲至橫山詩十有二句河圻底宵添文水  
一溪渾了無沙甯眠鷗處忽見楓根繫纜痕野老  
桑田元近海詩人苗裔尚成村  
鰓來未抵誅茅得日看雙峰翠挿門

九杞山 澈水續志在永安湖子丑之位舊名杜家

灣九杞翁許相卿買之置杜曲岡雲濤莊因以名

山

大旗山 海鹽縣圖經在澈浦西八里相傳劉裕勝  
孫恩於此

谷水 海鹽縣圖經谷水出吳小湖逕由拳縣故城  
下神異傳曰由拳縣秦時長水縣也始皇時淪陷  
為谷因目長水城水曰谷水也谷水又東南逕嘉  
興縣城西谷水又東南逕鹽官縣故城南九州志  
云谷水之右有馬罩城故司鹽都尉城吳王濞煮  
海為鹽於此秦於其地置海鹽縣故武原鄉也又

谷水由縣出為澈浦以通巨海

梁元帝元覽賦時度谷水之陽尚想

嘉禾之方杜慶亭於吳后雄檣李於越王

謹按貝瓊云硤石兩山天目分流正出其中即谷水也陸機云三泖冬溫夏涼谷水在其北大抵自海昌縣帶嘉禾數邑一水異名以達於泖耳

賁湖 海鹽縣圖經在縣西三十五里俗名宋坡湖

橫湖 海鹽縣圖經在縣西三十五里周六里徐泰

志與城西有莊柴湖即此

鷓鴣湖 海鹽縣圖經在治西南四十里周四十餘

里上有黃道神廟俗稱黃道湖

永安湖

一名  
澈湖

海鹽縣圖經在澈浦鎮西六里至元

嘉禾志本田濬為湖以蓄洩澈水志湖上四圍皆

山號小西湖

徐泰秋夜澈湖望月詩澈湖湖上桂花秋海月當年滿畫樓仿佛錢塘六

橋夜至今人  
說小杭州

天仙湖 樂郊私語在城西十里湖旁相傳有徐彎

故居彎得道後以委蛻仙去故以名湖

秦溪 至元嘉禾志在縣西南三十六里通豐水港



接運河旁有法喜寺鑄秦溪二字於石

朱一是秦溪詩秦溪

斜日射秋蘋幾個閒鷗自作隣沙斷柳深漁路狹野橋西去竟無人

古涇 樵李詩繫海鹽有古涇三百一所在縣西境

唐令李諤開以禦水旱

樊維城古涇詩古涇通幽際桑條拂水湄雞鳴聞里

社婦饁祝田祠撫字慚無術催科復有期常來肥掾坐馴雞愧芳規

橫浦 至元嘉禾志在縣東二里東北通故邑西通

貴湖南入海

藍田浦 海鹽縣圖經在縣南三里浦上有藍田廟

宋咸平六年知縣魯宗道重開白塔港入運河以灌民田又名魯公浦

鮑郎浦 澉水志在鎮西北十二里昔鹽場開基於此後沙漲移入東浦紹興界為田是浦接連招寶塘為河

澉浦 嘉靖浙江通志在縣南三十六里澉水志澉浦古越地吳越錢氏置秀州始分隸又水經云東南有秦望山旁有谷水流出為澉浦弘治嘉興府

志明洪武中築城浦上

白洋河

海鹽縣圖經在縣東沿海塘下

詳見水利

橫塘

槁李詩繫在海鹽西北四十里即常豐閘通

郡之南湖

何昌弼海鹽橫塘道中詩一舸凌風去  
縈紆度幾村水清魚引子地美稻生孫

路僻塵埃遠秋晴枕席溫  
悠悠迷處所疑入武陵源

孟姚泉

海鹽縣圖經鹿山之麓自鷹窠頂來山厚

源深故有瀑布如足練

海

海鹽縣圖經在縣東半里南四十里與明越二

州相對往往深夜籟寂雞犬之聲相聞海濱舊有岡十八條為潮汐之限漂蕩日久今皆為魚龍之宮無復存矣

平湖縣

雅山 海鹽縣圖經在縣東北三十六里今析屬平湖至元嘉禾志山多怪石俗呼為菴山地中得磚

記云雅山

陸錫永春初登雅山詩百尺荒荒伏海隈西陸孤處亦崔嵬雷當怪石峰頭住

水赴田家屋角來萬竈嵯烟春雨霽一杼魚浪夕陽回窮崖不似秦游勝却少前朝戰伐灾

故邑山 天啟平湖縣志在縣東二十七里山下有  
城唐志云海鹽舊縣治漢順帝時陷為湖移置此  
山下後為故邑巡檢司

祐山 舊浙江通志在縣東南二十里舊有秦小娘  
祠晉人也

苦竹山 乍浦九山補志在縣東南二十九里去乍  
城二里麓有磐石當潮之衝防汎船泊其旁

湯山 嘉靖浙江通志在縣東北三十里宋海鹽令

李直養置叢冢於山

觀山 乍浦九山補志在縣東南二十八里高四十丈周四里一名官山

陳山 閼窗括異志在縣東北四十里高八十一丈周圍二十五里有白龍湫顯濟敷澤龍王廟山頂有龍穴深不數尺春夏不涸百姓遇旱則禱於穴雨即滂沛又有龍母塚在焉每歲七月多風雨人謂龍洗墓云

王端登陳山詩羣峰不敢浪爭雄滿目烟雲雨脈風呼吸有靈通帝座徘徊

何處問龍宮黃盤浪外孤帆遠秦駐山西  
落照紅便欲乘槎浮海去漫勞長劍倚崆峒

獨山 天啟平湖縣志在縣東北三十里孤峰峭崿  
若遺世而獨立者上置烽堠以防海寇舊置鹽場  
於此

蒲山 天啟平湖縣志在縣東南三十里與萊薺山  
俱瀕於海

鬪牛山 天啟平湖縣志在海中對獨山水族所聚  
時見蜃氣多可怪狀

暈頂山 乍浦九山補志在高宮山南高二十丈頂

甚平

高宮山 乍浦九山補志高八十丈周八里秀削異

於諸山在陳山東

龍尾山 乍浦九山補志以形似名在高宮山之西

馬鞍山之北

益山 乍浦九山補志高二十丈周四里秀出羣隴

當湖

一名鸚鵡湖

樵李詩繫鸚鵡湖即當湖在縣東三



百步吳地記云隆安五年改東武湖俗呼東湖元末於金山海濱得一碑曰鸚鵡洲界又名小瀛洲今建塔於其上水有九派東南通故邑西南近海鹽東則廣陳北則華亭舟楫便利為一邑之勝後漢書郡國志注案今計偕簿海鹽縣故治順帝時陷而為湖今為當湖大旱湖竭城郭之處可識

弘治

嘉興府志縣東周圍四十餘里吳地志王莽改海鹽縣為展武縣順帝時陷為湖亢旱水涸彷彿見其街陌金玉當湖秋霽詩海風吹雨過船頭雲淨波光映素秋百里泰山當落日千年霍廟立孤洲

蘆葭霜後依漁屋鴻雁風高起櫂謳相送使君人  
載酒醉歌白苧不勝愁林光泛當湖詩閣持一杯  
酒移艇傍疎竹白鳥忽飛來湖田雨初足烟火  
幾漁家湖邊夾疎樹扁舟三五人坐入秋天暮

乍浦 弘治嘉興府志在治東南三十里舊有官河  
入海元至正間番船皆萃於此明洪武中築城浦  
上以備禦焉

國朝額設乍浦水師雍正七年增設都統駐防實為海  
口重鎮

蘆漚浦 弘治嘉興府志在縣東北三十六里浦有

鹽場

東泖 弘治嘉興府志在治東北三十里按祥符圖  
經谷泖南出泖橋東南至廣陳由廣陳西至當湖  
由當湖東南至捍海塘而止

聯珠池 舊浙江通志在學宮東北三池相聯

山月池 朱彝尊鴛鴦湖櫂歌注在平湖德藏寺

海 舊浙江通志在治東南三十里

石門縣

龜山 萬曆崇德縣志在沙渚塘東二十里其形如龜故名舊志云山北有晉尚書李孟之宅

陳山 名勝志在積善鄉高十三丈周一里昔有陳氏居此積土為之

含山 嘉興府圖記在陳山西北六里嘉湖兩府界中若含物然又四水涵之亦名涵山

石門縣志縣西北三十六

里山上有浮圖山外有龍潭五河涇水出其下

桂山 嘉靖浙江通志在明倫堂後高五丈上多植

桂

天中山 石門縣志在福嚴禪院後高二丈許竹木  
蓊蔚有亭獨峙可恣遠覽

走馬岡 朱彝尊鴛鴦湖權歌注在石門永新鄉地

有官窰相傳吳越分疆處嘉興府圖記高阜如山

吳王走馬處也

朱彝尊鴛鴦湖權歌走馬岡長夕  
照中塘連沙渚路西東不知吳會

誰分地生遍  
紫萸一色紅

語兒溪 石門縣志在縣東南一名語兒中涇又名

沙渚塘吳越時為吳棲兵之地太平寰宇記按吳越分境越國西北置禦兒與吳分界通典注云在嘉興縣南有地名禦兒國語曰吾用禦兒臨之今

俗作語字

至元嘉禾志禦兒之名見左傳國語吳越春秋等書皆然逮西漢則易為語表

又作藥字後人疑之因附會其說竊意漢人以其名言之匪順類曾子回車之嫌故取其音之相近者易之耳徐凝語兒見新月詩幾處天邊見新月經過草市憶西施娟娟水宿初三夜曾伴愁蛾到兒語

謹按語兒之名當以樂史徐碩所述為正若朱長文續吳郡圖經云范蠡獻西施於吳道中生子至

此能語蓋祖陸廣微吳地記之言不足信也徐凝詩亦承其訛故附辨於此

車溪 嘉靖浙江通志在縣東北三十六里南北相距二十餘里流入太湖

石門灣 萬厯崇德縣志在縣北十八里運河水北流東折其形如帶又名玉灣

清池 石門縣志在城西二里昔有龍潛於此其水澄冽歷旱澇如故

含山泉 石門縣志在含山下滄然以清絕似安平

白沙諸水雖旱澇不盈涸

洪河 樵李詩繫在縣北千乘鄉正德間洪令異開

民稱洪河

詳見水利

桐鄉縣

父山 舊浙江通志在縣東南三十五里弘治嘉興

府志昔道士父基隱居學道尸解於此故名山有

兩峰東峰號史山

貝瓊游父山記禦兒地四平無山其東北六十里有小山曰父

山山由父道人得名父山之東曰史山陳君仲謀約予遊春三月丁酉天氣澄穆帥陳熊陳魯兩生



洎予子翱由大溪北折而東度陌越阡至父山之趾居人四五家皆棘樊荆扉雞犬相應彷彿桃源中而里之巨族卜氏有冢在山半冢後得支徑而上高下稚松萬株環合無路俯首松下偃僂行而雲氣相盪不啻魚泳波濤中山回路盡有石巖然壁立者即父道人尸解處其巔有小石突怒土中類迸筍者有盤互類木走長根者已而復東其塗漸平有公主墓宋孝宗女葬此又行至東山則所謂史山者視父山稍卑上建神官祠人至而禱者前後相屬予亦倦而休焉兩山之中求其奇峰之環拱瀑布之噴薄如天台赤城無有也然予意在一適耳意之所適亦何異夫赤城天姥哉

甌山 名勝志在縣北一十七里山形如甌

東山 桐鄉縣志在縣東三里許高五丈廣十餘畝

王家山 嘉興府圖記在募化鄉高十五丈周三百步有王氏家此聚土成之

胭脂匯

嘉興府圖記在濮院鎮

蘇平胭脂匯詩西子曾經此地過調

脂弄粉染雙蛾乍辭越國山應遠望入吳山路不多春滿玉容初罷鏡香生羅襪欲凌波古來尤物能傾國鹿走姑蘇奈爾何

車溪

桐鄉縣志在清風鄉自阜林堰抵青鎮南北

二十里兩岸腴田車戽不絕故名

互見石門縣

瀾溪 嘉興府圖記在永新鄉北受車溪及湖州諸

水下平望達於吳江

芙蓉浦 樵李詩繫在桐鄉北二十五里


鮑涇 舊浙江通志在父山南鮑學士宅在涇之上  
永新涇 弘治嘉興府志在縣東北一十七里

梧桐涇 樵李詩繫舊屬郡境後析桐鄉縣名因之  
在邑之東即濮川所通處也五代時鳳鳴其樹

程本

立梧桐涇詩梧桐蔭清溪溪水波粼粼上有五色  
鳥下有黃金鱗秋雨洗白石春風生綠蘋願學羊  
裘子時來垂釣綸李蕃梧桐涇詩萬年禹鑿東連  
海百折清流曲抱村風浪不驚魚鳥靜桐花開到

邑侯  
門



浙江通志卷十一